



partii naleraq

24. januar 2019

Inatsisartut suleriaasiat § 37 imm.1 naapertorlugu Naalakkersuisut apeqqut imaattoq matumuuna saqqummiuppara:

Naalakkersuisunut apeqqut:

- 1. Naalagaaffiit Peqatigiit (FN) ilitsoqqussaralugu oqaatsit pillugit ukioq 2019 ukiorititaavoq. Tamassumunnga atatillugu, Naalakkersuisut pisortatigoortumik iliuuseqarnissamut pilersaaruteqarpat?**
- 2. Pisortatigoortumik oqaaserisaq kalaallisut, pisorta qarfinni tamani, ilaatigut Namminersorlutik Oqartussani, pisortat suliffe qarfiutaanni, kommuneni, kiisalu inuiaqatigiinni atugaanerulernissaat anguniarlugu qanoq Naalakkersuisut pilersaaruteqarpat?**
- 3. Pisortatigoortumik oqaaseq, kalaallisut, atuarfe qarfinni, inuussutissarsiutiginiarlugulu ilinniarfinni, ingerlariaqqiisumik ilinniarfinni, ilisimatusarfimmi, assigisaanilu atugaanerulernissaa anguniarlugu Naalakkersuisut qanoq pilersaaruteqarpat?**
- 4. Naalakkersuisut pisortatigoortumik oqaaseq, kalaallisut, qanoq nukittorsarniarnissaannut pilersaaruteqarpat?**
- 5. Kalaallit Nunaanni pisorta qarfiit tamani akornaminni sulinermi, avammullu sullissinermi oqaatsit sorliit atugaraat?**
- 6. Inatsisartut inatsisaat nr. 21, 30. oktober 1998-imeersoq najoqqutaralugu, Inatsisartunut ilaasortat § 37 malillugu Naalakkersuisunut kalaallisuinnaq apeqquteqarneq ingerlanneqarsinnaatitaava? Naalakkersuisut aalajangiisimanermut toqqammavissamik takussuteqaqqissaarnissaannut peqquneqarput.**
- 7. Pisortatigoortumik oqaaserisaq kalaallisut, pisorta qarfinni tamani, ilaatigut Namminersorlutik Oqartussani, pisortat suliffe qarfiutaanni, kommune-ni, namminersortumik ingerlatsisuni, inuiaqatigiinnilu tamani qanoq Naalakkersuisut aningaasartuutitigut kinguneqarnissaa naatsorsuutigaat?**
- 8. Kalaallit Nunaanni pisortatigoortumik oqaatsit tamakkiisumik pisorta qarfinni atulernissaannut Naalakkersuisut pilersaaruteqarpat? Pilersaaruteqassappat periusissaq piffissarititaasullu taakkartoqquneqarput.**

(Inatsisartunut ilaasortaq, Jens Napātōk´, Partii Naleraq)



partii naleraq

Tunnngavilersuut:

Ukioq 2019 Naalaagaaffiit Peqatigiit nunap inoqqaavisa oqaasii pillugit ukiorititarivaa, tamannalu tunnngavigalugu nunap inoqqaavisa oqaasii atorlugit Namminersorlutik Oqartussani ingerlatsisoqarnerseq paasissallugu pingaaruteqarluinnarpoq.

Ukioq 2009 ukiut qulit matuma siornatigut Inuiaqatigiit Kalaallit aperineqarput ilumut Namminersorneq Inuiaqatigiinnit Kalaallinit eqqukkumaneqarnerseq?! Kalaallit Inuiaat aperineqaramik 75% -ii sinnerlugit Namminersorneq pillugu inatsimmut akuersaarlutik taaseqataapput. Namminersorneq pillugu inatsimmut akuersinerminni ilaatigut inatsimmi allaqqasoq Kapitali 7 § 20 Kalaallisut Oqaatsivut ilanngullugit taasissutigineqarput. Taakkulu ilanngullugit akuersinermut toqqamma-viusimmassasut naatsorsuutigaarput Kalaallit Inuiaat akuersaarnermunut toqqammavittut akuerseqataaffigisimassagaat.

Inuiaat Kalaallit Namminersornermut akuersitinneqaramilli ukiut qulit angulerpavut suli Inuiaat oqaatsitigut inatsiseqartinneqarlutik “kusassaanerinnartut” taasarialimmik, tassaasoq Kapitali 7 § 20. Sulilu iluamik atuuttunnngortinneqarsimannngitsumik. Tamassumap takutiinnarpaa Inuiaat Kalaallit immitsinnut aallaaviginata suli pisortatigoortumik ingerlatsiniarsarisugut, immitsinnut periarfissatigut aporfilersorluta nunat allamiut iluaqusersorlugit.

Taamatut ingerlatseriaaseqarnerput taamaattumik akuersaarneqarsinnaanngilaq, nuna namminersaminik inatsisiliorsimaguni Inuiaqatigiillu amerlanerussuteqangaartut akuersissutigisimap-passuk taava inatsisiliortutut uagut Inatsisartunut ilaasortat pisussaaffeqarpugut inatsisit eq-qortumik atuutsinneqarnissaannik.

Apeqqutit ullut qulit (10) suliffiusut iluani akineqarnissaat kissaatigaara.